

BALORNAN DI NOS HIMNO Y BANDERA

ORANJESTAD (AAN): Den Wilhelmina Stadion dia 18 di Maart 1975, oficialmente a keda inaugura e Himno y Bandera di Aruba, unda cu Wilhelmina Stadion tabata yen di hende, pa scucha nos Himno y presencia nos Bandera bai top pa prome biaha oficialmente. Momentonan di gloria, alegría y tristeza.

Aruba a haya su Himno y Bandera, pero ambos simbolo na e momento ey, no a ser acepta pa un gran parti di nos pueblo, y esaki tabata e tristeza cu a reina es anochi. Cu su Himno y Bandera Aruba a cuminsa fortalece e union cu mester por bin reina entre nos arubianonan, y principalmente e lucha pa e Status Aparte cu tin su añanan den anhelacion.

Aruba orgulloso, apesar di ta chiquito, awe por conta entre e grandi nan como pais.

Tur pais su identidad mas bunita ta su Himno y Bandera, dor di e simbolonan aki su pueblo ta crea mas amor y dedicacion.

Recientemente un di e gran balor di nos Himno y Bandera tabata ora cu pa prome biaha den e mundo deportivo nos atleta Edna Maduro cu su logra di un medalla di oro, nos Himno y Bandera a ser honra y admira entre tur e otro nan.

Tur ciudadano di cualquier pais y di nos muy en particular tin di sinti su mes emocion na e momento di e tononan di nos Himno y e hizamento di nos Bandera.

Himno y Bandera semper den tur ocasion ta impone respet y atencion, y no ta precisamente cu tin di bati man, loque nos ta observando continuamente pa falta di conocimiento.

Awe despues di casi un mei siglo, Aruba a haya su Status Aparte, pero awe nos tin di lamenta cambianan radical, drastico, cu por tin su consecucionan drastico pa nos pais.

VISPERA DI CELEBRACION di otro celebracion di nos Dia Nacional, dia di Himno y Bandera, precisamente esaki ta e momento oportuno pa nos por trece y analisa acontecimentonan sea positivo o negativo cu a y ta tumando lugar.

ARUBA ISLA STIMA TURISTICAMENTE ta un isla chiquito, pero grandi di den curazon, amor, generosidad y hospitalidad. Nos hendenan ta clase aparte, cu su mezcla di indian combina cu mas di cuarenta diferente nacionalidad entre otro africano, cu no solamente ta dorna nos cu un color bunita, pero e cultura cu esaki ta trece cun'e, ta algo cu bo no ta haya den diferente parti di mundo. Precisamente esaki a haci cu nos isla a bira e destinacion unico y atrae pa turistanan, cu ta bini for di tur continente. Hopi ta kere cu nan ta bini pa nos bunita playanan, e laman blau, hopi ta bini y regresa, pasobra nos hendenan ta pone nan sinti nan mes na cas. Aruba conoce diferente distincion di raza, religion o clase, y tur ta forma un gran famia, un nacion cu yama Aruba. Nos a lanta for di chiquito cu bon facilidad pa comunica, sin distincion di school, ya cu nos tur ta igual y tin e mesun derecho di un bon educacion. Esaki ta e base primordial cu ta duna nos facilidad pa por comunica abiertamente cu nos visitantenan, pa pone nan sinti nan mes na cas, cu nos saludo y atencion.

Aruba te dia di awe ta keda ser mira atractivo den hopi pais di mudi y ta yena nos cu atencion ora cu den publicacion nan interesante y positivo tocante nos pais asina chiquito, den medionan di comunicacion den mundo. Establecimiento di hotelnan grandi y luhoso, prueba di cu nan ta mirando futuro ariba e dushi pida barranca aki.

KICO TA PASANDO CU NOS MENTALIDAD? Ora cu nos menciona den un di e parágrafonan ariba cu nos lo analisa e parti positivo y negativo ta bon pa menciona, cu Aruba conoce un crece-

mento rapido, cu Aruba a haya su propio gobierno cu e consecuencia cu tabata existi pa varios aña den un lucha manera esun di Status Aparte ta bin na prome lugar, sino un orgullo, ambicion pa goberna nos pais. Nos no ta pensa cu añanan ta pasa liher y cu cada un lo yega su momento pa demostra cu nan por ofrece quizas un mihor guia y manejo.

Ay di nos futuro si nos no por tin diferencia di opinion pa loque ta pasando, pero nos mester keda positivo, pa mehora e sistema cu nos ta hibando. Nos pueblo tin mester di motivacion, nos pueblo parece ta bandona y tur cos ta ser pinta negativo. Tur hende ta muestra cansa y desgusta, ningun hende ta saca un dede pa trata na mehora e situacion cu no ta sano, cu nos ta pasando aden. Aruba ta den stress, Aruba ta bai den mesun rumbo cu otro paisnan grandi. No hiba bo problemanan personal bo trabao, tampoco baha ariba bo famianan. No laga problemanan di otro ta un frustracion pa bo. Den tur trabao y funcion tin problemanan y no pensa cu ta abo so ta biba cu segun di bo. Ban engrandece nos pais, ban ta hendenan amable atrobe, ban muestra nos sonrisa, nos bon deseonan. Atende un y tur cu respet y atencion. Aruba ta nos tur, nos Himno y Bandera ta di nos. Un bon dia, un bon siman y un feliz anochi no ta kita nada di bo, ora bo desea un otro persona.

BISINANAN YUDA OTRO, awendia Aruba ta confronta cu hopi problema, manera atraco, ladronicia etc., tur esaki ta un mal nomber pa nos pais. A yega e momento pa nos como arubiano y tur cu a bin biba ariba e pida barranca aki y ta

stime, pa pone man na obra.

Laga nos cuida y salvaguardia nos pida barranca, vigila y denuncia tur loque bo ta mira cu ta parece sospechoso y cu por trece peligro pa nos comunidad. Nos mester coopera cu otro y nos lo yuda no solamente pa evita cu algo menos agradable lo pasa cu nos mes, pero cu otronan y cu e consecuencia cu nos pais lo haya un mal nomber.

Den hopi pais den mundo nan a cuminsa implementa e sistema aki, na unda e ciudadanonan, manera ama di cas, esnan cu ta traha den hotelnan, empleadonan publico, taxistanan cu ta maneha constantemente, hobennan, grandi y chiquito, ta bira un polis ariba su mes pa vigila, pero mas aun denuncia casonan cu ta parece dudosos, pero mas

Algo asina mester sali for di nos curazon, na unda den nomber di nos Himno y Bandera nos ta sali na vanguardia di nos pais stimá.

Nos ningun momento so por permiti pa Aruba haya un nomber negativo, pero mester lucha y sigui lucha pa mantene nos pais como number Uno, den limpieza, cordialidad y hospitalidad, pero mas aun leu for di ladronicia, vicio y atraconan.

laga nos desea otro un feliz Dia di Himno y Bandera. Hiba bandera dia 18 di maart, nos Dia Nacional, pa nos demostra otro cu Aruba ta di nos y cu nos ta arubianonan cu ta dispuesto pa haci sacrificionan den cualquier forma pa haci Aruba atrobe, e pais mas hospitalario den mundo.

MAHSA PABIEN!